

հայոց Չի (1271) վկայութեամբ մեծ ազգի իշխանին մեր աղբարն պարոն Սմբատայ և մեծահարգի ձիատորացն սէր Կոստանդին և սէր Ըննաղցին և սէր Գոյներին<sup>91</sup>։

Ինչպես հայտնի է 13-րդ դարի վերջում և 14-րդ դարում երկրի ներսում սրվեցին ունիթորների և հակաունիթորների հակամարտութունները, ընդ որում արքունիքում ուժեղացավ պայքարը իշխանության գրավման համար։ Թագավորները հաջորդում էին մեկը մյուսին հաճախ զոհ դառնալով հակառակորդների զավաղրությանը։ Այդ շրջանում ուժեղանում էր ասպետների քաղաքական դերն ու նշանակությունը։ Ասպետները, որպես զահի հավակնորդների ազմական հենարան, մասնակցում են պալատական հեղաշրջումներին։ Այսպես, «ՉԲԵ (1296) Հեթում թագավորն ետ զթագաւորութիւն յիր զեղբօրն իւրոյ պարոն Թորոսին. ի նոյն ամի դաւ եղև իշխանացի Հայոց, որք էին զըլխաւորք պարոն Օշինն Սինչալն, որդի պարոն Սմբատայ Գունդստաբլին և պարոն Օշինն Բակուրեանց, որ էր սպասալար զարբասին և այլ բազում իշխանք և ձիատորք»<sup>92</sup>։

Ավելի ուշ 1344 թվին Ունիթորների թեկնածու թագավոր Գվիդոն Լուսինյանի սպանությունից հետո, երբ Կոստանդին 4-րդը ընտրվում է թագավոր, նա որոշում է սպանել Գվիդոնի կնոջը և որդիներին։ Այդ բանը նա հանձնարարում է երկու ասպետներին. «ետ հրամանայ (Կոստանդին 4-րդ) ասպետաց երկուց ազատաց ջրահեղձոյց առնել զտիկինն զայն և զորդիս նորա երկուսին զաղտնարար»<sup>93</sup>։

Միջնադարյան եվրոպայի, մասնավորապես Անգլիայի օրինակով, որտեղ խաղաղության ժամանակ արքունիքում, իսկ պատերազմի ժամանակ ռազմի զաշտում սուրհանդակի պաշտոն էին կատարում հերալդները, այստեղ, Կիլիկիայում, արքունիքում նրանք կոչվել են պատգամավորներ<sup>94</sup>, որը անգլերեն «հերալդ» բառի թարգմանությունն է։ Նրանք սեկյուրաների կամ բարոնալքյունների ղեկավարում կոչվել են «ավագ չավուշ» և «չավուշ»<sup>95</sup>։ Պատգամավոր-չավուշները կատարում էին պետական կարևոր հաղորդումներ, կարգավորում էին պալատական հանդեսներ<sup>96</sup> և բարոնություններում հրավիրում էին վերին ատյանի նիստեր<sup>97</sup>։

Մենք չկարողացանք որևէ վկայություն գտնել եվրոպական ասպետության մի շարք աստիճանների մասին, ինչպիսիք են, դրոշակակիր ասպետները և նրանց մանկավիճիկները։ Սակայն մեզ թվում է, որ Վիլիերբանդտ Օլդենբուրգցու 1212 թվականի Ստում տեղի ունեցած Զբորհների նկարագրության մեջ հիշատակված «և դասք դասք ազնվաց երկրի և բազմութիւն զօրականաց վալելչապէս զգեստաւորեալք զորոց՝ արբանեակք նոցին զցելով ի ձեռս զնշանս և զգրոշս և ածելով զերիվարս նոցին պալատականս...»<sup>98</sup>, վկայությունը վերաբերում է դրոշակակիր ասպետներին և նրանց մանկավիճիկներին։

91 «Յագմավէպ», 1873, էջ 119։

92 Վ. Հ ա կ ո թ յ ա ն, Մանր ժամանակագրություն, 1951, էջ 82։

93 Յովհանու Գարսեի ժամանակագրություն Հայոց, Ս. Պետերբուրգ, 1891, էջ 54։

94 С м б а т С п а р а п е т, Судебник, стр. 70.

95 Asstses d'Antioche, Trad. L. Alishan, p. 9—10.

96 Ղ. Ա լ ի շ ա ն, Սիսուան, էջ 475։

97 С м б а т С п а р а п е т, Судебник, стр. 70.

98 Ղ. Ա լ ի շ ա ն, Սիսուան, էջ 476։